

NewsLetter



AMERICAN CHAMBER OF COMMERCE
DHOMA AMERIKANE E TREGTISË

THE OFFICIAL NEWSLETTER OF THE AMERICAN CHAMBER OF COMMERCE IN ALBANIA

EDITORIAL

DHOMA AMERIKANE MBI 40 REKOMANDIME PËR KLIMËN E BIZNESIT, PRESIDENTI JAÇO:

DO MONITOROJMË VOTAT E DEPUTETËVE

Presidenti i Dhomës Amerikane të Tregtisë, z. Enio Jaço zhvilloi Konferencën Vjetore për Mediat mbi zhvillimet që kanë ndikuar komunitetin e AmCham gjatë vitit 2020 e në vijim. Presidenti Jaço u ndal në dy çështje gjatë fjalës së tij, sfidat dhe pritshmëritë nga efektet e Pandemisë si dhe Klima e Biznesit. Në lidhje me sfidat e Pandemisë, Presidenti Jaço vlerësoi rezistencën dhe kontributin e anëtarëve të AmCham në aspektin social dhe ekonomik të vendit ndërsa solli vëmendjen e autoriteteve për mekanizma të reja mbështetëse ndaj komunitetit të biznesit..

» **Vijon në faqen 6**

LAJME AMCHAM

AMCHAM FLET ME DREJTOREN E TATIMEVE PËR MODERNIZIMIN DHE

LEHTËSIMIN E SISTEMIT FISKAL



AmCham e ka vazhduar traditën e takimit me Drejtorinë e Tatimeve dhe të diskutimit të hapur të çështjeve që shqetësojnë biznesin në lidhje me administratën tatimore.

Në faqen 2

Axhenda e 2021 në AmCham në shërbim të komunitetit të anëtarëve

Komitetet në Dhomën Amerikane kanë përditësuar axhendat e tyre duke përshtatur temat dhe aktivitetet, drejt një realiteti të ri të shkaktuar nga pandemia dhe e vëshirësive ekonomike që solli.



EKONOMI

Regjistrimi i pronarit përfitues i hap probleme OJF-ve dhe Biznesit

Në faqen 3





AmCham flet me Drejtoreshen e Tatimeve për modernizimin dhe lehtësimin e

SISTEMIT FISKAL

Dhoma Amerikane ka vazhduar traditën e takimit me Drejtoreshen e Tatimeve dhe të diskutimit të hapur të çështjeve që shqetësojnë biznesin në lidhje me administratën tatimore. Takimi kishte në fokus çështje të rëndësishme për biznesin si problematikat me bllokimin e llogarive bankare nga drejtoritë e mbledhjes së borxhit, problematikat në sistemin informatik e deri tek rimbursimi i TVSH – së. Forumi i Biznesit ka shërbyer edhe si një tryezë diskutimi për çështje themelore të zhvillimit të klimës së biznesit si efikasiteti i sistemit tatimor, apo harmonizimi i ligjeve tatimore me standartet e raportimit financiar si ato kombëtare dhe ato ndërkombëtare.



Presidenti i Dhomës Amerikane të Tregtisë, Enio Jaço theksoi rëndësinë e modernizimit të sistemit të taksave, i cili duhet të garantojë qëndrueshmëri, besueshmëri dhe të jetë tërheqës për investimet e huaja. Z. Jaço tha se për rritjen e investimeve jo vetëm amerikane por edhe të huaja është me rëndësi adresimi i klimës së biznesit dhe një nga shtyllat, themelet e klimës së biznesit është sistemi tatimor.



Sistemit të Taksave” tha Jaço.

Z. Jaço theksoi tre elementë të rëndësishëm që janë kritike dhe duhet të marin zgjidhje, ndryshimi i shpeshtë të taksave, modernizimi i sistemit me standartet IFRS dhe informaliteti e evazioni fiskal.

“Standartet IFRS duhet të reflektohen në ligj, unë po marr një statistikë, ligji i tatimeve është krijuar në vitin 1998. Sigurisht që ka marrë disa riparime ndër vite, por është një ligj shumë i vjetër, i cili nuk e ka strukturën moderne të raportimit financiar ndërkombëtar dhe si i tillë lejon hapësira të cilat janë relativisht të pamënaxhueshme dhe konfuzë për bizneset” – u shpreh z.Jaço gjatë takimit.

Në lidhje me çështjet e trajtuara nga Presidenti Jaço, znj. Ibrahimaj u shpreh se ka filluar tashmë një reformë e thellë për reformatimin e sistemit fiskal për ta përditësuar



Z. Jaço theksoi tre elementë të rëndësishëm që janë kritike dhe duhet të marin zgjidhje, **ndryshimi i shpeshtë të taksave, modernizimi i sistemit me standartet IFRS dhe informaliteti e evazioni fiskal.**



qëzimi i informacionit me shumë institucione të tjera nga OSSHE tek Ujësellsji, e ndihmojnë administratën tatimore të ketë më shumë qartësi për veprimtarinë e një biznesi. Regjistri i aseteve, është një tjetër risi, që prezantoi gjatë takimit znj Ibrahimaj

Takimi me Drejtoreshen e Tatimeve shërben për të diskutuar shumë problematika që vijnë nga anëtarët dhe Kryerarja e Komitetit të Taksave dhe Doganave znj. Alketa Uruci ka trajtuar në fjalën e saj disa prej tyre.

Risku tatimor i cili vjen pjesërisht prej një ligji të të ardhurave që është i vjetër dhe pjesërisht për shkak të interpretimit që i bëjnë herë pas here ligjit inspektorët tatimore, ka qënë një nga çështjet e ngritura nga znj. Uruci. Pjesë e çështjeve të trajtuara kanë qënë dhe rimbursimi i TVSH - së dhe kryerja e kontrollit tatimor brenda afatit. Gjobat që vazhdojnë të gjenerohen gabimisht në sistem, si dhe bllokimi i llogarive bankare në mbledhjen e borxhit tatimor duke krijuar ndonjëherë pengesa për biznesin, kanë qënë problematika që janë referuar nga anëtarët dhe trajtuar gjatë takimit.

Procedurat e cregjistrimit nga QKB-ja dhe organizimi i kontolleve formale edhe pas cregjistrimit, janë përmendur nga znj. Uruci si çështje që shqetësojnë biznesin e Dhomës Amerikane.

dhe me standartet e reja kontabël dhe ato financiare dhe kjo reformë do të jetë objekt i diskutimit me grupet e interesit. Gjatë kësaj periudhe administrata tatimore ka mundur të bëhet pjesë e sistemeve që shkëmbejnë automatikisht informacione me 72 vënde të botës, një lëvizje kjo që do të ndihmojë shumë dhe në luftën kundër evazionit. Kry-



11 shoqata biznesi i shkruajnë Ministres Denaj për shtyrjen e afatit

Regjistrimi i pronarit përfitues i hap probleme OJF-ve dhe Biznesit

Komuniteti i biznesit i përfaqësuar nga 11 organizata të rëndësishme të biznesit sot në vend, u bashkuan në një lëvizje lobuese për të kërkuar nga autoritetet shtyrjen e afatit në dispozicion për OJF-të dhe biznesin për regjistrimin e pronarit përfitues. Në letrën e tyre drejtuar Ministres Denaj, organizatat e biznesit argumentuan se koha është mjaft e shkurtër në raport me dokumentacionin që duhet plotësuar, çfarë tregon se ligji i hyrë në fuqi në dhjetor 2020 nuk ka llogaritur jo vetëm teknicalitete të nevojshme në zbatim por edhe kohën si një faktor themelor.

Shoqata te biznesit i kanë kërkuar Ministres Denaj të marrë në konsideratë problematikat me të cilat biznesi por dhe OJF -të po hasin me sistemin, me sigurimin e dokumentacionit të nevojshëm dhe me zbatimin e disa ligjeve sic janë nënshkrimi elektronik, për të cilat detyrohen të kërkojnë shtyrjen e afatit nga 31 mars në 30 qershor. Kjo shtyrje e afatit do t'u jepte kohë OJF -ve dhe bizneseve të plotësonin dokumentacionin e nevojshëm ashtu sikurse edhe AKSHI-t dhe Administratës Tatimore, për të përmirësuar platformën në nivelet e nevojshme.

Organizatat jofitimprurëse kanë argumentuar se regjistrimi i tyre në Regjistrin e Pronarëve Përfitues në e-albania, nuk mund të jetë si ai shoqërive tregtare pasi ka specifika të tjera të organizimit të veprimtarisë. Në rastin e OJF kuptimi i pronarit përfitues nuk gjen aplikim të drejtë për drejtë pasi OJF mund të jete me apo anëtarësi, me bord apo me Drejtor Ekzekutiv apo Sekretar të Përgjithshëm dhe nxjerrja e akteve të regjistrimit duhet të mbështetet dhe në pozitat e OJF-ve.

Gjithashtu numrat e NIPT-it apo administratorët e OJF nuk janë të njohur nga sistemi e-albania çfarë e

bën akoma edhe më të vështirë regjistrimin e shoqatës.

Gjithashtu çelja e një llogarie në e-albania që administrohet nga AKSHI ka shkaktuar një tjetër vështirësi pasi sistemi nuk i ka të dhënat e administratorit apo përfaqësuesit ligjor dhe sekretarët e përgjithshëm apo drejtorët ekzekutiv nuk njihen si përfaqësues ligjorë nga sistemi pavarësisht se në disa raste figurojnë si të tillë dhe të regjistruar në gjykatë.

OJF ju duhet të azhurnojnë dokumentacionin e nevojshëm i cili paraqet vështirësitë e veta për të mbledhur pasi ka organizime si Dhomat e Huaja të Tregtisë të cilat kanë një numër të konsiderueshëm anëtarësh. Kombinuar kjo edhe me mungesën e një stafi me kohë të plotë për shkak të kushteve të pandimisë, situata bëhet edhe më e vështirë. Gjithshtu këto shoqata të huaja, kanë pronarë përfitues të huaj të cilët kanë vështirësi për të siguruar dokumentacionin e nevojshëm nga vëndet e origjinës dhe njëhësimi i dokumentacionit sipas legjislacionit shqiptar kërkon kohë.

Po kaq të argumentuara duken



“Organizatat jofitimprurëse kanë argumentuar se regjistrimi i tyre në Regjistrin e Pronarëve Përfitues në e-albania, **nuk mund të jetë si ai shoqërive tregtare pasi ka specifika të tjera të organizimit të veprimtarisë.**”

dhe vështirësitë që has për regjistrim biznesi i cili duhet mbi të gjitha të përballet me vështirësitë që vijnë nga platorma dhe sistemi të cilat edhe pse janë vënë në funksion që nga fundi i janarit, nuk janë me efikasitetin e duhur. E vështirë është situata edhe për ata investitorë të huaj të cilët duhet të sigurojnë dokumentacionin e nevojshëm dhe pëmbushjen e detyrimeve në një kohë mjaft të shkurtër. Në këtë kuadër janë edhe korporatat e mëdha të cilat janë ente publike në shtetet të tjera.

Një tjetër problematikë e evidentuar nga bizneset është se administratorët që janë shtetas të huaj e marrin linkun e regjistrimit me email por nuk arrijnë të marrin kodin përkatës për aktivizimin e linkut i cili dërgohet në numrin e telefonit.



Komentet e Dhomes Amerikane per regjistrimin e Pronarëve Përfitues

1 Afati 60 ditor nga Krijimi i Regjistrimit të Pronarëve Përfitues është i parashikuar në Ligj, konkretisht në nenin 15 të ligjit nr.112/2020 parashikohet se “subjektet raportuese duhet të regjistrojnë të dhënat e kërkuara nga ky ligj për pronarët përfitues jo më vonë se 60 ditë kalendarike nga krijimi i regjistrimit, sipas përcaktimit të pikës 2 të këtij neni”. Nderkohe që krijimi i regjistrimit bëhet jo më vonë se 31.01.2021.

Pra, shtyrja e këtij afati me VKM është e kontestueshme dhe do të ishte e keshillueshme që kjo shtyrje të bëhet me ligj.

Si alternative, duhet të dalë një akt nenligjor që të përcaktojë se regjistri do të jetë operativ/efektiv më 30.04.2021, në mënyrë që subjektet të kenë deadline 60 ditë nga kjo datë – pra 30.06.2021.

2 Në lidhje me pikën e dytë të projekt-VKM përveç pikës c) të kreut III, duhet të ndryshohet edhe pika ç) e kreut III, pasi listojnë të njëjtat dokumenta me

ndryshimin që pika c) është për regjistrimin fillestar në regjister dhe pika ç) është për regjistrimin e ndryshimeve të të dhënave në regjister.

Nese nuk behet ky ndryshim, do te rezultojë që vlefshmeria e dokumentave do te jete 90 dite per regjistrimin fillestar te perfituesve te fundit dhe nderkohe nese ka ndryshime, dokumentat duhet te jene jo me te vjeter sesa 30 dite. Ky diferencim nuk ka kuptim.

3 Të shtohet një pikë tjetër në projekt-VKM në lidhje me krijimin e mundësisë së “pezullimit të aplikimit” në rast të mungesës së dokumentave në aplikim.

Konkretisht, në nenin 6, paragrafi 4 të ligjit nr. 112/2020 “Për regjistrimin e pronarëve përfitues” si dhe në VKM nr. 1088, datë 24.12.2020, të shtohet mundësia e “pezullimit të aplikimit”, në analogji me ligjin nr. 9723, datë 03.05.2007 “Për regjistrimin e biznesit”, i ndryshuar.

Në nenin 56 të ligjit nr. 9723, datë 03.05.2007 parashikohet “pezullimi i aplikimit” - Në rastet kur pas verifikimeve të parashikuara në nenin 54, të këtij ligji, rezultojnë se nuk janë përmbushur kushtet për regjistrim, nuk janë paguar tarifat përkatëse të regjistrimit, ka sanksione administrative të papaguara apo nuk janë kryer regjistrimet e kërkuara, sipas nenit 46, QKB-ja pezullon aplikimin dhe e njofton aplikuesin me shkrim për shkakun e saktë të pezullimit, duke i dhënë një afat prej 21 ditësh

kalendarike për plotësimin ose ndreqjen e elementeve që pengojnë regjistrimin. Njoftimi i shkakut të pezullimit bëhet nëpërmjet një formulari standard të QKB-së. Nëse aplikanti plotëson ose ndreq elementet që pengojnë regjistrimin, brenda afatit të përcaktuar në pikën 1 të këtij neni, QKB-ja është e detyruar të kryejë regjistrimin brenda një afati 1-ditor nga data e plotësimit ose ndreqjes së dokumentacionit. Në këtë rast, regjistrimi mban datën e paraqitjes së aplikimit të parë.

Kjo i jep mundësi subjekteve (ndryshe nga refuzimi i menjëhershëm) që të paraqesin dokumenta shtesë në mbështetje të aplikimit të tyre, pa u detyruar që të nisnin një aplikim të ri që mund të ketë pasoja të rënda, duke kërkuar mbledhjen e dokumentave nga e para (e cila kërkon kohë dhe kosto shtesë për subjektet). Gjithashtu redukton edhe procedurat e ankimit të cilat mund të fillojnë subjektet, në rast të një refuzimi të pabazuar të aplikimit.

Axhenda e 2021 në AmCham në shërbim të komunitetit të anëtarëve

KOMITETET në VEPRIM

Komitetet në Dhomën Amerikane kanë përditësuar axhendat e tyre duke përshtatur temat dhe aktivitetet, drejt një realiteti të ri të shkaktuar nga pandemia dhe e vëshirësive ekonomike që solli.

Një trend i ri i të bërit biznes që synon dixhitalizimin e të gjitha proceseve, legjislacione që evolojnë dhe përafrohen me BE-në, forma të reja të legjislacionit tatimor, sisteme rregulatore në zhvillim, të gjitha këto kanë përbërë bazën e punës së komiteve të cilat i kanë ofruar anëtarëve një diapazon të gjerë nga trajnimet lobimet

e deri tek takime me zyrtarë të lartë.

Bordi i Drejtorëve ka hartuar politikat mbi të cilat Dhoma ka funksionuar gjatë këtij viti të vështirë duke përkthyer nevojat dhe situatën e biznesit në evente dhe në zhvillimin e raportet të drejta dhe konstruktive me të gjithë partnerët e saj.

Puna në distancë e ka bërë të vështirë sipërmarrjen dhe nuk ka qenë e lehtë për ta që të vazhdojnë

aktivitetin duke qëndruar produktiv në treg dhe duke mbajtur numrin e punonjësve. Kjo e ka bërë imperative të kohës organizimin e trajnimeve që zhvillojnë aftësitë e punonjësve por dhe shpjegon tendencat e fundit.

Ndërkaq sistemi tatimor, sjell risi për kategoritë e biznesit duke i lënë një hapësirë më të madhe dhe pa taksa biznesit të vogël dhe duke sjellë incentiva për biznesin e madh. Të gjitha këto së bashku me teknika të reja të fiskalizimit kanë qënë tema, që kanë ndërtuar një axhendë ambicioze në AmCham.

Jo më pak të rëndësishme kanë qënë zhvillimet për të sjellë një impuls pozitiv në klimën biznesit dhe puna e të gjitha Komiteteve për të bërë një analizë të detajuar dhe sugjeruar rekomandimet përkatëse.



KOMITETI I TAKSAVE DHE DOGANAVE

Takimet me institucionet e doganave dhe tatimeve dhe diskutimi i hapur me titullarët e tyre kanë vazhduar të jenë në fokus të Komitetit të Taksave dhe Doganave . Gjatë 2021 një element i fortë që vjen prej Komitetit të Taksave është informimi mbi ndryshimet ligjore në sistemin tatimor, si dhe shpjegimi i teknikave të reja të fiskalizimit dhe regjistrimit të biznesit të vogël të përjashtuar nga TVSH-ja. Jo më pak kujdes ka treguar ky Komitet dhe kur vjen fjala për zhvillime afatgjatë si përafrimi ligjeve me ato të BE- së apo takime me zyrtarët e rinj, përgjegjës për ekonominë dhe financat, që do të dalin nga zgjedhjet e 2021.



KOMITETI I PUNËS DHE ETIKËS

Etika në biznes dhe zhvillimi i marrëdhënieve të punës që reflektojnë të gjitha trendet e kohës, ka vazhduar të mbetet në qëndër të vëmendjes së Komitetit të Punës dhe Etikës në biznes. Ndërsa konferencat mbi etikën evolojnë nga viti në vit, intershipet, marrëdhëniet e HR në zhvillimin e biznesit si dhe ligjet që rregullojnë marrëdhëniet e punës, janë bërë tema interesante të takimeve dhe trajnimeve të ofruara nga ky Komitet. Trendi i ri punës nga shtëpia ndërsa, është kthyer në një diskutim të gjerë mes anëtarëve dhe ekspertëve që janë duke sjellë modelet më të mira se si mund të menaxhohet puna në distancë.



KOMITETI RREGULATOR, LIGJEVE DHE IPR

Një ekonomi që zhvillohet ka ndryshime dhe në legjislacionin dhe rregullat e veta. Të takohesh me zyrtarë të agjencive dhe institucioneve që mbajnë flamurin në zbatimin e këtyre rregullave dhe orientojnë punën e biznesit, ka qënë tema më e preferuar e Komitetit Rregulator dhe Ligjeve, Përtej kësaj Komiteti ka luajtur një rol të madh në trajnimin e anëtarëve me kërkesa të reja që vijnë nga qeveria dhe që kanë të bëjnë me regjistrin e pronarëve përfutues. Ndërkohë puna për të sjellë një impakt pozitiv në klimën investimeve, ka përfshirë edhe këtë Komitet dhe ekspertët e saj në skuadrën e krijuar nga AmCham për këtë qëllim



KOMITETI I TREGTISË DHE INVESTIMEVE

Komiteti i Tregtisë dhe Investimeve ka patur një rol të madh në krijimin e Agendës së Investimeve dhe impulseve që ka sjellë për çështjet themelore që shqetësojnë klimën e investimeve të biznesit. Një vëmendje e shtuar gjatë këtij viti do të jepet edhe Axhendës së takimeve Rajonale me Dhoma të tjera Amerikane në Rajon dhe punës së përbashkët, në kuadër dhe të bashkëpunimeve të rritjes mes qeverive të Ballkanit Perëndimor. Komiteti i Investimeve do të ketë mundësi të ulë në tryezë me anëtarët gjatë 2021, titullarë të AIDA për të folur konkretisht mbi mundësitë bashkëpunimit.



KOMITETI I BIZNESIT DIXHITAL

Në një epokë ku dixhitalizimi po kthehet në domosdoshmëri, Komiteti Biznesit Dixhital ka shumë për të bërë. Gjatë 2021 ky Komitet do të vazhdojë punën për të ofruar bizneseve lehtësitë që vijnë nga e-signature ndërkohë që po punohet për të sjellë për bizneset e vogla ekspertizën e nevojshme për dixhitalizimin e proceseve kryesore të punës. Gjatë 2021 ky Komitet do të ketë takime me institucione ndërkombëtare dhe ato të EU-së për të kërkuar përfshirjen e komunitetit të biznesit në një partnershipi në kuadër të projekteve të ndryshme që kanë në fokus inovacionin.

DHOMA AMERIKANE MBI 40 REKOMANDIME PËR KLIMËN E BIZNESIT, PRESIDENTI JAÇO:

DO MONITOROJMË VOTAT E DEPUTETËVE

» Vijon nga faqja 1

“Bizneset e AmCham dëshmuar si asnjëherë më parë ndikimin e madh ekonomik dhe social, duke injektuar në ekonomi \$3.1 Miliardë, shifër që është rritur në krahasim me 1 vit më parë – si rrjedhojë e një përqëndrimi të mëtejshëm të bizneseve rreth AmCham-it. Por pavarësisht rezistencës dhe përballjes, efekti ka qenë shumë i madh dhe e ka thelluar brishtësinë e ekonomisë. Si rrjedhojë, anëtarët e Dhomës Amerikane po përballen dhe do vijojnë të përballen me sfida që kërkojnë vëmendje” u shpreh Presidenti i Dhomës Amerikane.



Presidenti Jaço veçoi tre çështje kryesore që kërkojnë adresim në lidhje me Pandeminë. Së pari, aksesin në financim dhe mundësinë e të pasurit kapital të mjaftueshëm për operacionet e bizneseve si dhe rëndësinë e krijimit të fondeve dhe instrumentave alternative për financim. Së dyti, ai theksoi rëndësinë e ngritjes së infrastrukturës mbështetëse, ligjore apo eko-sistemi i duhur për të mbështetur trendet ku ekonomia shqiptare është e papërgatitur. Së treti, Jaço theksoi se është e rëndësishme që sektori shtetëror të adaptohet dhe të vendosë në shërbim të bizneseve mjetet e duhura për këtë normalitet të ri.

Në lidhje me Klimën e Biznesit, Presidenti i Dhomës Amerikane shprehu shqetësimin për mungesën e shtuar të besimit nga komuniteti i biznesit, shoqëria civile dhe investorët ndërsa përmendi rënien e perceptimit të biznesit në AmCham Business Index, e reflektuar edhe në raporte të tjera ndërkombëtare.

Jaço bëri të ditur se në javët në vijim, Dhoma Amerikane do t'i dorëzojë qeverisë një paketë me mbi 40 rekomandime, të cilat kanë si qëllim përmirësimin e klimës së biznesit, krijimin e besimit tek investorët dhe bizneset.

“Baza e kësaj pakete është rëndësia e krijimit të një strategjie për tërheqjen e investimeve që përfshin lehtësimin e procedurave dhe uljen e burokracisë, paketa të fuqishme incentivash dhe krijimin e një tregu gjithëpërfshirës ku ulen përqëndrimet e tregut dhe monopolef”.

Presidenti Jaço vuri theksin tek krijimi i një programi me mekanizma konkretë që lufton korrupsionin, garancitë për respektimin e ligjit për Konsultimin Publik dhe rëndësia e modernizimit të sistemit të taksave, fuqizimi i eksporteve, ekonomisë dixhitale dhe ri-orientimi i fuqisë punëtore.

Jaço theksoi se Dhoma Amerikane do të ndjekë implementimin e këtyre rekomandimeve përmes një mekanizmi konkret vlerësues mbi qëndrimin

in e politikanëve për secilën nga çështjet që prek klimën e biznesit. “AmCham do ndërmarrë një nisim serioze në lidhje me ndjekjen dhe implementimin e këtyre rekomandimeve një nga të cilat do jetë prezantimi gjatë vitit i një Pikëshënuesi ose Vlerësuesi për Politikanët dhe Deputetet mbi qëndrimin e mbajtur ndaj legjislacionit të lidhur me këto qëndrime” tha Jaço.

Duke iu përgjigjur interesit të gazetarëve, Presidenti i AmCham theksoi se, nëse adresohen mekanizmat e ndërtimit të besimit atëherë Oportunitetet për Rritjen Ekonomike do jenë të shumta. “Është mirë të ndërgjegjësohemi në lidhje me disa nga avantazhet që gjithmonë kemi pasur në rajon. Në të njëjtën kohë 2 potenciale të reja po bëhen realitet. Jemi në prag të hapjes së negociatave me BE – që do të thotë akses në rritje drejt tregjeve Perëndimore Europiane për produktet shqiptare dhe Marrëveshja e Bashkëpunimit Ekonomik mes SHBA dhe Shqipërisë e cila ofron mundësi të shumta investimi” u shpreh Jaço.